

## HAFIZ AZIZ EF. ALILI NA MEĐUNARODNOM SIMPOZIJU U TIRANI



05.02.2011. u hotelu Intercontinental u Tirani je, pod pokroviteljstvom Međunarodnog univerziteta Al-Mustafa iz Irana, Fondacije Kur'ana Tirana i Ministarstva prosvjete Albanije, održan međunarodni simpozij na temu „*Kur'an i Molitva*“. Simpozij je organiziran povodom 10. obljetnice djelovanja Fondacije Kur'ana u Albaniji. Simpozij je uveličan promocijom prijevoda Kur'ana na albanski jezik od Selim ef. Stafe, te komentaram 1. i 2. džuzua Kur'ana od istog autora.



Ispred Univerziteta Al-Mustafa iz Qoma, simpoziju je prisustvovao i rektor Univerziteta, cijenjeni alim, Ajatollah Al A'rafi.

Izlagачi i sudionici simpozija su bili iz Makedonije, Kosova, Srbije, BiH i Hrvatske.

Ispred Islamske zajednice u Hrvatskoj, sudjelovao je glavni imam Medžlisa Zagreb kurra hafiz Aziz ef. Alili, izlažući na temu „Kur'an, molitva i gnostika“.

Glavni imam je iskoristio svoj boravak u Albaniji, pa je 06.02.2011.god., posjetio nekoliko džemata. U Skenderbegovom gradu Kruji klanjao je podne- namaz, a istog dana u Draču, akšam-namaz i to u Sultan Mehmedovoj džamiji koja je stara 580 godina. Nakon učenja Kur'ana održao je predavanje, te prisutne vjernike upoznao sa položajem muslimana u Hrvatskoj.